

06. november

UKA2018/149

Kingusinnerpaamik UPA2019-imi inuussutissarsiornermik siuarsaanermik aaqqissuussinerit maanna ingerlasut nalilersorneqarnerannik Naalackersuisut saqqummiussinissaat pillugu Inatsisartunut aalajangiiffigisassatut siunnersuut. Nalilersuinermi aaqqissuussinerit maanna ingerlasut suliffeqarfinnik suliaqarfinnillu nutaanik qanoq annertutigisumik siuarsaanerat qulaajaavigineqassaaq. Nalilersuinermilu namminersorlutik inuussutissarsiortunut manna sinaakktissatut atugassarititat ilanngunneqassapput, maannalu aaqqissuussinernut kiisalu manna tikillugu misilittagaareersut tunuliaqutaralugit sinaakktissanut aaqqiissutaasinnaasunillu pitsanngorsaatinillu siunnersuusiortoqarluni. Nalilersuinermik suliaqarnermi namminersorlutik inuussutissarsiortut qanimut suleqatigineqarnissaannik Naalackersuisut kaammattorneqarput.

Siumumiit inatsisartunut ilaasortap Mute Bourup Egedep aalajangiiffigisassaatur siunnersuutaanut imaattumik oqaaseqassaagut:

Siullermik siunnersuuteqartoq qujaffigaarput. Tassami aallarnisartunut tapiissuteqartarnek aaqqissuussaanagerusumik suliarineqartariaqartoq isumaqaratta.

Siumup sukarsuit sisamaasuni, inuussutissarsiutit pinggorartut nutaat, pingaartutut isigai. Taakkuuppummi nunaqavissunit naqqaniit suliaralugit aallartittartut. Taamaattumik isumaqarpugut naalackersuisut imminnut nalilersussanngittut. Inuussutissarsiorfinnimmi pilersitsisarneq naalackersuisunit ingerlanneqarpoq.

Siumumiit siunnersuutigissavarput Inuussutissarsiutinik pinggorartitsilluni ingerlatsivit kommunenut nuunneqassasut. Kommunemmi ilisimavaat qanimut innuttaasut kikkut aallartinnissaminnut pitsaasumik inissisimanersut. Isumassarsiat aallartisanissamut pitsaasut qanoq iluseqarnersut aammalumi qanimut nakkutiginnissinnaallutik.

Taamaattumik naalackersuisut oqaatigisaat ilalerlugit, oqaatigissavarput qulaani oqaatigisagut ilanngullugit naalackersuisunut misissoqqullugit.

Taamatut oqaaseqarluta siunnersuut taamaatsillugu itigartitsissutigaarput.

Jens Danielsen, Siumut